



ՀԱՅՈՑ ԵԿԵՂԵՑԻ

Մ Ա Յ Ր Ա Թ Ո Ր

Մայիսի 9-ին, Հաղթանակի տոնի օրը, Մայր Տաճարում Ս. Պատարագ մատուցվեց հոծ բազմության ներկայությամբ: Պատարագիչն էր Տ. Սահակ ծայրագույն վարդապետը, որը և հավուր պատշաճի քարոզ խոսեց:

Ս. Պատարագին ներկա էր Տ. Տ. Գևորգ Զ Վեհափառ Հայրապետը:

Ս. Պատարագից հետո նորին Ս. Օծուխյուն Տ. Տ. Գևորգ Զ Սրբազնագույն Հայրապետի մասնակցությամբ մաղթանք կատարվեց:

Հունիսի 20-ին, Ս. Աստուածածնի տփոյ գումանն տոնին, նորին Ս. Օծուխյուն Տ. Տ. Գևորգ Զ Ամենայն Հայոց Ազգայնորդ Պատրիարք-Կաթողիկոսի Օծման և զահակալության երրորդ տարեկիցի առթիվ Մայր Տաճարում ժողովրդի խուռն բազմության ներկայությամբ Ս. Պատարագ մատուցվեց:

Պատարագում էր Տ. Սահակ ծայրագույն վարդապետը:

Հայրապետական մաղթանքից առաջ քարոզ խոսեց պատարագիչ Տ. Սահակ ծայրագույն վարդապետը, որը հակիրճ կերպով բնութագրեց Վեհափառ Հայրապետի եկեղեցաշինարարական ու հայրենասիրական եռամյա բեղուն գործունեությունը, արևատություն մաղթելով այնպիսի Հայրապետին:

Այնուհետև կատարվեց Հայրապետական մաղթանք, որի հանդիսագիրն էր Վեհափառ Հայրապետը:

Ամենայն Հայոց Վեհափառ Հայրապետը մայիսի 12-ին հեռագրով իր խնդակցությունը հայտնեց Տանն Կիլիկիո Շնորհազարդ Կաթողիկոս Տ. Տ. Գարեգին Ա-ին՝ Տանն Կիլիկիո Կաթողիկոսարանի Ս. Գրիգոր Լուսավորիչ Մայր Տաճարի մեջ մայիսի 16-ին, Հոգեգալստյան տոնին, կատարվելիք Մյուռնոնօրհնության նվիրական արարողության առթիվ:

Մայիսի 6-ին, Համբարձման տոնի օրը, Մայր Տաճարում հանդիսավոր Ս. Պատարագ մատուցվեց: Պատարագիչն էր Տ. Կարապետ վարդապետ Ասլամազյանը:

Ս. Պատարագից հետո Տ. Սահակ ծայրագույն վարդապետ Տեր-Հովհաննիսյանը բանախոսեց Հայրապետական Աթոռը Սսից էջմիածին փոխադրելու նշանակության մասին: Բանախոսությունից հետո Հայրապետական մաղթանք կատարվեց, որի հանդիսագիրն էր Վեհափառ Հայրապետը:

Տաճարը լիքն էր աղոթավորների բազմությամբ:

Մայիսի 20-ին, թեմական գործերով, Մայր Աթոռ ժամանեց Ռումինահայ թեմի առաջնորդական փոխանորդ Տ. Վազգեն վարդապետը:

Մայիսի 24-ին, Սրբոց Կուսանացն Հռիփսիմյանց տոնի օրը, Ս. Հռիփսիմի վանքում Ս. Պատարագ մատուցվեց էջմիածնի Մայր Տաճարի Միաբանության բոլոր անդամների և ուխտավորների հոծ բազմության ներկայությամբ: Պատարագում էր Տ. Նիկողայոս ավագ քահանա Բավեյանը:

Տոնի առթիվ բանախոսեց Տ. Սահակ ծայրագույն վարդապետը:

Մայիսի 25-ին, Սրբոց Կուսանացն Գայիանյանց տոնի օրը, Ս. Պատարագ մատուցվեց Ս. Գայիանի վանքում: Պատարագիչն էր Տ. Խորեն ավագ քահանա Շուշանյանը:

Մայիսի 27-ին Ս. Պատարագ մատուցվեց Ս. Շողակաթի վանքում: Պատարագում էր Տ. Մկրտիչ քահանա Մկրտչյանը:

Մայիսի 30-ին, Կաթողիկե Ս. էջմիածնի տոնի օրը, Մայր Տաճարում հանդիսավոր Ս. Պատարագ մատուցեց Ռումինահայ թե-

մի առաջնորդական տեղապահ՝ Ս. Վաղգեն ծայրագույն վարդապետը, որը և ավուր պատշաճի քարոզ խոսեց:

Ս. Պատարագին ներկա էր Ս. Տ. Գևորգ Զ Սրբազնագույն Հայրապետը:

Ս. Պատարագից հետո կատարվեց հայրապետական մաղթանք, որին ներկա էր հավատացյալների հոծ բազմություն:

Մայիսի 2-ին Հոգևոր ճեմարանի սաները, դասատուների ուղեկցությամբ, էքսկուրսիայի մեկնեցին Զվարթնոց, ուր դիտեցին հայկական ճարտարապետական մեծագույն կոթողի նվիրական մնացորդները:

Հոգևոր ճեմարանի սաները մայիսի 28-ին, ճեմարանի տեսչի և դասատուների ուղեկցությամբ, էքսկուրսիայի մեկնեցին Երևան, ուր դիտեցին թանգարանները: Սաների էքսկուրսիան հատկապես երկար տևեց Հայկական ՍՍՌ Գիտությունների Ակադեմիայի Պատմական թանգարանում, որտեղ Հոգևոր ճեմարանի դասախոս դոցենտ Ա. Շահնազարյանը մի քանի ժամվա ընթացքում սաներին ծանոթացրեց թանգարանի բոլոր բաժինների և հայ նյութական կուլտուրայի այդ բաժիններում պահվող էքսպոնատների հետ:

Հոգևոր ճեմարանում հունիսի 2-ին սկսվեցին տարեվերջի քննությունները, որոնք տևեցին մինչև հունիսի 26-ը:

Մի շարք քննությունների հաճեց ներկա լինել Ամենայն Հայոց Հայրապետ Ս. Տ. Գևորգ Զ-ը:

Ինչպես ուսումնական տարին, նույնպես և տարեվերջի քննությունները, փայլուն հաջողությամբ ավարտելու համար 16 սաներ արժանացան պարգևատրումների:

Տարեվերջի քննություններից հետո սաներին ամառային արձակուրդ տրվեց և նրանք մեկնեցին իրենց հարազատների մոտ: Հապաղատներ չունեցող մի քանի սաներ ուղևորվեցին Գեղարդի վանքը:

Հունիսի 17-ին, Սրբոց Թարգմանչացն Սահակա և Մեսրոպա տոնի օրը, Հոգևոր ճեմարանի սաները, տեսչի, դասախոսների ուղեկցությամբ և Միաբանության անդամների հետ միասին, մեկնեցին Օշական, ուր այցելեցին Մեսրոպ Մաշտոցի շիրիմը և շրջակա հին ուստաւայրերը: Մի շարք սաներ Օշականի եկեղեցում մասնակցեցին արարողություններին:

Վեհափառ Հայրապետը մայիսի 30-ին Ձ 271 թվակիր գրությամբ իր հայրական ողջույնը և Հայրապետական օրհնությունը հրդեհով Ռումինահայ Թեմական Խորհրդի փոխ-նախագահ՝ Մեծարգո պ. Արտաշես Պոյաճյանին՝ գոհունակություն հայտնեց նրա կողմից ուղարկված սրտաբուխ նվերների համար:

Վեհափառ Հայրապետը մայիսի 25-ին տրված Կոնդակով իր Հայրական ողջույնը և Հայրապետական օրհնությունը հրդեհով Ռումանիո թեմի Կալաց քաղաքի համայնքին՝ գոհունակություն հայտնեց նրա կողմից ուղարկված պատվական նվերի համար: Ն. Ս. Օժովյունի իր այս Կոնդակով գրում է. «Ձեր պատվական նվերը գոհունակությամբ ընդունեցինք և մխիթարվեցանք... մխիթարվեցանք նորա համար, որ այդ նվերն արտահայտիչ է համայնքիդ առ Մայր Աթոռը տածած սիրուն, նա նշանակ է Ձեր կապին Հայության մեծագույն Սրբավայրի՝ Ս. Էջմիածնի հետ, նա նշանակ է Ձեր տածած սիրուն հանգեպ մեր Հայրենիք՝ Խորհրդային Հայաստանը:

Մենք չափազանց մխիթարված ենք հատկապես նորա համար, որ համոզված ենք թի այն համայնքը, որ կապված է Մայր Աթոռի և Մայր Հայրենիքի հետ, նա կտոկա և հավիտյան կապրի, առանց դիմադրվման և օտարների հետ ձուլման: Իսկ Ձեր նվերը մշտապես կմնա Մայր Աթոռում, իբրև հուշարար Ձեր տածած հարգանքի և սիրո առ Մայր Աթոռս մեր Ս. Էջմիածին»:

Այս մաղթանքներ անելով, Վեհափառը բարեմաղթում է, որպեսզի Տերը «հաջողեց նորա գալուստը իր տենչալի Հայրենիք՝ Խորհրդային Հայաստան»:

Ռումինահայ թեմի Առաջնորդական Տեղապահ Ս. Վաղգեն ծայրագույն վարդապետ Պալճյանի միջոցով Ս. Էջմիածնում շնորհակալությամբ ստացվել են ռումինահայեր Պ. Պ. Վ. Բարակյանի, Ս. Սպանդարյանի, Ա. Ճապուրովի, Ա. Քեյրիյանի, Կ. Սրաբյանի, Ա. Իսրայելյանի, Հ. Պապայիկյանի, Ս. Պոխչեկյանի, Պ. Փափազյանի, Ս. Աբրահամյանի, Գ. Կարապետյանի, Թ. Կապուտիկյանի, Տիկ. Տիկ. Վ. Տուտյանի, Ս. Փափազյանի, Հ. Դուրդուկյանի, Ս. Գարանֆելյանի, Շ. Մուրադյանի, Ս. Քյուլունկյանի, Հակոբյանի, Օր. Օր. Լ. Լուպասյանի և Աբազյանի կողմից Մայր Աթոռի ու Հոգևոր ճեմարանի անունով ուղարկված նվերները:

